



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

Art. 2. Figmentum votatoris de membris subalternis exploditur.

urn:nbn:de:hbz:466:1-14268

Abbatem, à seipso tanquam Archiepiscopo, distinctè per Procuratores à se constitutos de feudis Regalibusque Maximilianis Imperatoris nomine inuestiti curauerit, qua de re extant acta signata sub Num. 56.

Ex quo probatur eorundem statuum distinctio, ac quod alter in altero non comprehendatur aut subiiciatur, neque quod alter sit alterius membrum vel prædium, sed hoc non minus, quam istud in sua membra Imperialis natura, qualitate ac substantia consistens.

Art. 2. Figmentum votatoris de membris subalternis exploditur.

EX dictis pariter refellitur illud, non minus insipidè in eodem voto quæ situm effugium, quod quidem membrum Imperij sit, sed subalternum aut mediatum, ex quo in effectu sequeretur, quemlibet Archiepiscopatus subditum ac incolam, quodlibet castrum, prædium, curiam, villam, membrum esse Imperii, quo nihil dici potest insultius.

Et absonum est, non solum ab Imperii stylo, in quo ægrè reperies de mediatis, quod ait, membris, sermonem vel scripturam existere, aut subiectam aliquam alicuius status particulam nomine Imperii membra præsertim cum epitheto *Insignis* appellari. Idque minus in Imperatorum Imperiique constitutionibus, Diplomatibus ac placitis, vel in Principum Imperii inter se tractatibus aut negotiis, quibus personarum ditionum, ordinumque statum, qualitatem, distinctionem indicare ac exprimere intendunt, in quibus sanè, si vñibi, vsquam, verba ista in propriissimo significatu circumspetè usurpantur.

Sed & ab omniatione sive naturali, sive Ciiali, aut politica id alienum est.

Si quidem, vti in naturali corpore, ita & in politico, non omnis particula corporis dicitur membrum, sed illud, per quod diuerso & proprio officio corpus mouetur aut iuuatur, vt oculo ad visum, pedibus ad progressum, auribus ad auditum, manibus ad palpatum, naribus ad odoratum, lingua ad sermonem. *Didac. Couar. relect. Clement. si furiosus de homicid. part. 3. de delinquentibus ignoranter num. 8.*

Membrum corporis particula est, quæ circumscriptiōnem habet propriam, nec omnino alijs coniuncta est. *Idem ibid.*

Membra omnia distinctam operationem habent. *Ibid.*

Ideo non est membra abscissio, cùm auricula abscinditur, quia illa cartilago quæ circa autem est, dicitur potius ad ornatum & tutelam auris (quæ membrū est) quād ad particulare corporis obsequium pertinet. *Idem ibid.*

Pariterque, non est membra abscissio, cùm digitus abscinditur, quia digitus membrum non est, *ibid. cum ijs, quos passim citat, Aristotele, Galenō, S. Paulo, Bart. Bald. idem ait Iulius Clar. sentent. lib. 5. §. final. quest. 69. versicul. item quāro. Card. Tuscius verb. membrum, concl. 185.*

Respicte Diploma Maximiliani I. in libello insertum lit. Z. n. 2. notatum, in illo non aliter vocatur Ecclesia Treuirense, quād *insigne Imperij membrum*, eodem modo, quo Maximilianum Monasterium nominatur.

Digniora quidem alia alijs sunt, vti & in corpore humano, sed tamen omnia sunt membra ad compositionem Imperij per se ac proprio quodammodo, pondere & iure concurrentia.

Sed neque ignobile sunt membrum, Maximiliani, nec frustra, *Insignis*, epitheto decorantur, illustre sanè est ac Venerandum in Imperio Cœnobium,

totius Germaniae ac penè occidentis antiquissimum, multis Prælatis in Sanctorum numerum relatis clarum, Imperatorum, Régum ac Principum fundatione, donationibus, tractatibus, sanctionibus, Authoritatibus stabilitum, proprio ac peculiari officii ac muneris titulo in Imperio insignitum, ut hactenus suis locis particularius deductum est.

*Art. 3. Dum voti auctor aliud simile effugium molitur,
in contradictiones impingit.*

FAtetur auctor voti luce clarius constare Abbatiam Maximianam priuilegium habere, ne cui in perpetuum subfit, nisi solis Imperatoribus & Regibus Romanis: ita enim loquitur; *Huic accedit, quod ex exemplis priuilegiorum ab Abbatie productorum, & ab Imperatoribus confirmatorum luce clarius constat datum Monasterio priuilegium, ne cui in perpetuum subfit, nisi solis Imperatoribus & Regibus Romanis. hæc votum.*

Rés clara est, & patet dispositionis manifestæ sensus; & tamen euitabit voti auctor si possit lucis meridianæ diem, & subtili ingenio noctem soli offundens, passus hic pressus est, vrget, effugiet tamen, hæc nempe orbita.

Non est, inquit, sub alterius potestate, qui est sub potestate Vicarij Imperatoris, qui ipsius est loco, ita ut Abbas dicere posse: sum sub Imperatore, sed Archiepiscopus est mihi locus eius; ingeniosa inuentio!

Itaque si potestas Vicarij non est alterius, quam Imperatoris potestas, Ergo potestas Vicarij, non est Archiepiscopi potestas, quia Archiepiscopus alius est ab Imperatore.

Item si Monasterium subesset Archiepiscopo, vt Archiepiscopo, siue Archiepiscopatus Iuri, subesset alteri quam Imperatori, Ergo non subest Archiepiscopo, cum subesse non possit alteri quam Imperatori.

Item, Imperatoris Vicarius potestate (vt dicit votum) idem est quod Imperator, sed Archiepiscopus quam Archiepiscopus non est idem potestate quod Imperator, Ergo Archiepiscopus quam Archiepiscopus non est Imperatoris Vicarius: Itaque ut talis, non habet potestatem in Monasterium.

Quid cuniculos inueltagas? Quid te torques vellicando, trahendo, inferendo, conijciendo, diuinando? Quid de feudis, subfeudis, de dominijs vtilibus, de Vicariatibus, vicem gerentibus, præsidentijs chimeras aut hippocentauros compingis? volita pro libitu per vacuum illud ac inane fictionum, teneris isto fune, per quem volens nolens retraheris ad hunc ineuitabilem scopum, quod alterius potestati subdi non debeant, nec possint Maximiani.

Ergo neque per Vicariatus officij utruiusque impetracionem, neque per feudalis vtilius Iuris translationem, neque per vtilius Imperij Iurisdictionis siue tradicionem, neque villo alio pacto, modo, aut medio effici potest, vt Archiepiscoporum potestati subiificantur: cum, siue hoc, siue illo modo subiificantur, verum esset quod alterius, quam Imperatorum potestati subderentur, contra eorum ius illud iustitiamque manifesterat.

Ac sane cum effugium illud in voto adiuuentum perpendimus, admirari contingit, quid non in humanas mentes irrepatur.

Voti propositum ac intentio est, in toto suo discursu tueri ac stabilire Maximianos esse sub alio, quam Imperatore, nempe sub Ecclesia Archiepiscopo que Treuirensi, ad hoc; ecce medium; Non est, inquit, subalterius quam Imper-

rato